



Vitæ Sanctorvm

Haraeus, Franciscus

Coloniensis, 1611

XXIII. Februarii. Von dem Heyligen Apostel Matthia / hat gelitten vmb das
Jahr nach Christi Geburt 60.

[urn:nbn:de:hbz:466:1-81413](https://nbn-resolving.org/urn:nbn:de:hbz:466:1-81413)

104. Hi-
storia.

Von dem Heyligen Apostel Matthia/hat gelitten vmb das Jahr nach H R Z E T Z Geburt 60.

Ex libro Actuum Apostolicorum, adiunctis nonnullis ex D. Iſo-
doro, lib. de Patribus Noui Testamenti, & S.
Antonio.

XXIII. Februarii.

24. Tag
Horn:

Matthias einer auß den
Zwölff Aposteln / welcher an
statt Judas des Verräthers vnz-
der die Aposteln erwählt wor-
den / von welchem in der Aposteln Geschichte
am ersten Capitel also gelesen wirdt: In den
Tagen trat auff Petrus mitten vnder die
Brüder vnd sprach: (es war aber die Schar
der Menschen zusamen bey hundert vnd
zwanzig) Ihr Männer vnd Brüder/es muß
die Schrift erfüllet werden/welche zuvor ge-
sagt hat der Heylige Geist/durch den Munde
Dauids von Juda / der ein Vorgänger war
deren/ die den H E R R E N J E S U
fingen / welcher einer auß vnserer Zahl war/
vnd hat vberkommen den fall dieses Ampts.

Vnd dieser hat zwar besessen den Acker
von dem Lohn der Vngerechtigkeit/ vnd hat
sich erhänckel/ vnd ist mitten entwey gebro-
chen / vnd alle seine Ingeuend seynd außge-
schütt / vnd es ist kundt worden allen / die zu
Jerusalem wohnen / also / daß derselbe Acker
genennt wirt auff ihre sprach / Habelbama/
das ist / ein Blut Acker. Dann es stehet ge-
schrieben im Psalmen Buch: Ihre Behau-
fung muß wußt werden / vnd niemand sey
der darinnen wohne / vnd sein Bischofthum
soll nemen ein anderer. So muß nun auß den
Männern / die mit vns versamblet gewesen
seindt die ganze Zeit / welche der H E R
sus vnder vns ist auß vnd eyn gangen / an-
fänglich von dem Lauff Johannis / biß auff
den Tag da er von vns genommen ist / einer
auß ihnen ein Zeug werden mit vns seiner
Auferstehung.

Vnd sie stellten zween / Joseph genandt
Barsabas / mit dem Zunamen der Gerechte/
vnd Matthiam / vnd betheten vnd sprachen:
H E R der du erkennest alle Herzen / zeige an/
welche du erwählt hast vnder disen Zweyen/dz
einer empfahe die stadt dieses Dienstes vnd
Apostelampis/ daruon Judas abtrünnig wor-
den ist/daß er hingienge an seinen Ort. Vnd

sie gaben das Loß vber sie / vnd das Loß fiel
auff Matthiam / vnd er wardt den eylff
Aposteln zugezählt. Biß hiehero redet die
Schrift. Diesem ist gegeben vnd zugelassen
worden in dem Jüdischen Lande die Prä-
digt des Heyligen Euangelij zu verkündi-
gen: Dann er sich emsig befließe / daß was
er mit Worten lehret / er mit dem Werck
auch erfüllen möcht. Vnd als er die Blinden
sehende / die Aussätzigen rein / die Teuffel
außgetrieben/die Lahmen gerathe/die Thau-
ben hörent gemacht / die Verstorbene vom
Todten erwecket/ vnd viel zu dem H E R R E N
CH R I S T O bekehret hette / wirdt er auß
Meyd der Jüden vor dem Hohen Priester
verklaget / welche viel wider ihn vordarcken.
Aber Sanctus Matthias sagt zum Hohen
Priester: was ihr wir fürwerffet/ vnd sagt daß
es Lastern seyn/ gebürt mir nicht viel darauff
zuantworten/ dann ein Christ seyn / ist kein
Laster / sonder ein Ehr: Dargegen sagt der
Hohe Priester: Wann dir Aufschub geben
würde/ woltest du nicht Buß thun? Er sagt:
Es seyn fern von mir / daß ich von der Wahr-
heit / die ich einmal funden habe / solt weichen
vnd abfallen: Dann es war Matthias im
Gesetz sehr gelehrt / rein im Herzen / verstan-
dig im Gemüth / vnd geschickt die Fragen
aufzulösen. Darumb seynd ihme die Jü-
den zu wider gewest / vnd ihn angeklaget von
der Gottslasterung/ auch zween fürgestellt/
die ihn steinigen sollten / vnd vnder der Stei-
nigung wirdt er von einem mit einem Bevel
enthauptet/ vnd gab mit außgestreckten Hän-
den seinen Geist auff/auff den vier vnd zwanz-
zigsten Tag des Hornungs/ im Jahr Chris-
ti sechsßig. Sein Körper ist auß Ju-
dæa gen Rom / vnd nachmals
seine Reliquien gen Trier
transferirt worden.

Iſidorus.

S. Antoni-
nus parte
prima hist.Wirdt vor
dem hohen
Priester
verklagt.Wirdt ge-
steiniget
vnd mit
einem
Bevel ent-
haupt.
Anno 60.

Von